

UČEŠĆE NA RADIONICI „INTOSAINT - SAMOPROCJENA INTEGRITETA U VRHOVNIM REVIZORSKIM INSTITUCIJAMA“

Predstavnica Ureda za reviziju institucija u Federaciji BiH Mia Buljubašić, učestvovala je u ulozi moderatora/trenera zajedno sa predstavnicima Holandskog revizorskog suda, na radionici pod nazivom „IntoSAINT – samoprocjena integriteta u vrhovnim revizorskim institucijama“. Radionica je održana u Hagu, u periodu od 3.-8.12.2017. godine te je obuhvatila vrhovne revizorske institucije Crne Gore, Ukrajine i Gruzije.

U skladu sa ISSAI 30–Etičkim kodeksom, revizorske institucije dužne su pravovremeno i na odgovarajući način odgovoriti na kršenja integriteta. IntoSAINT predstavlja alat za samoprocjenu kojeg vrhovne revizorske institucije mogu koristiti za analizu rizika narušavanja institucionalnog integriteta i za ocjenu zrelosti sistema upravljanja integritetom. Također se koristi za prevenciju korupcije i rezultira preporukama za menadžment institucije koje imaju za cilj da očuvaju institucionalni integritet.

Od 2011. godine, obučeno je više od 243 moderatora u 68 zemalja širom svijeta za primjenu IntoSAINT metodologije. Navedeni alat je zasnovan na smjernicama međunarodnih organizacija poput UN-a, UNDP-a, OECD-a, kao i ISSAI standarda.

Nakon održane obuke, planirano je održati radionice u svakoj od zemalja učesnica tokom 2018. godine, na kojima će se primijeniti IntoSAINT metodologija i donijeti Plan integriteta, a u kojima će i dalje aktivno učestvovati Ured za reviziju institucija u FBiH u ulozi supervizora.

